


Vijesti

29.04.2024.

Najnovije vijesti

Učešće zaposlenih Agencije na obuci „Paragrafovi proljetni susreti praktičara javnih nabavki – Jahorina 2024“



U periodu od 25. do 26. aprila 2024. godine na Jahorini je održana obuka „Paragrafovi proljetni susreti praktičara javnih nabavki – Jahorina 2024“ na kojoj je ispred Agencije za forenzička ispitivanja i vještačenja prisustvovala Dragana Bojanić, stručni savjetnik za analizu, planiranje i kontrolu poslovanja.

Iako je novelirani Zakon o javnim nabavkama već neko vrijeme u primjeni, tokom njegove primjene se ugovorni organi i ponuđači susreću sa raznim dilemama kako i na koji način praktično postupiti u određenim situacijama. Ugovorni organi se najčešće susreću sa problemima počevši od planiranja, pripreme tenderske dokumentacije, evaluacije ponuda pa do okončanja postupka nabavke, dok sa druge strane, ponuđači svoje dileme fokusiraju na pripremi ponude, analizi raznih tenderskih dokumentacija, postavljanju pitanja za pojašnjenja dokumentacije, ulaganja žalbi i sl.

Polaznici obuke su imali prilike da se na detaljan i praktičan način upoznaju sa odredbama Zakona o javnim nabavkama kao i pratećim podzakonskim aktima, da unaprijede svoje znanje i riješe sve dileme koje imaju na jednom mjestu, uz učešće najeminentnijih stručnjaka iz oblasti javnih nabavki u Bosni i Hercegovini, između ostalih: Admir Ćebić, pomoćnik direktora Agencije za javne nabavke BiH, Ivana Grgić, viši stručni suradnik za implementaciju projekata u Ministarstvu finansija Republike Srpsk i Zlatko Lazović, samostalni stručni suradnik za javne nabavke u “JP BH POŠTA” doo Sarajevo.

Prvi dan obuke je bio organiziran u formi savjetovanja, dok je drugi dan organiziran u formi praktičnog rada u radionicama, sa konkretnim primjerima i vježbama.

Zaposleni Agencije su kroz prisustvo na obuci bili u prilici da prate najnovije aktuelnosti vezane za praksu javnih nabavki, da razviju vlastitu dobru praksu kako bi izbjegli nezakonito postupanje, što će moći primijeniti i u svom daljem radu.

Prilozi

